

সপ্তম দার্স

الدرس السابع

‘লা-ইলাহা ইল্লাল্লাহ’র শর্তাবলী

تابع شروط لإله إلا الله

৪। আনুগত্যঃ এর অর্থ, মেনে নেওয়া ও আনুগত্য করা। অর্থাৎ, কালেমা যে সমস্ত বিষয়কে নির্দেশ করে, তা মেনে চলা। আনুগত্য ও গ্রহণের মধ্যে পার্থক্য এই যে, গ্রহণ হলো কালেমার ব্যাপক অর্থের বিশুদ্ধতার মৌখিক স্বীকৃতি দেওয়া। আর আনুগত্য হলো, কর্মের মাধ্যমে তার অনুসরণ করা। তাই যে ব্যক্তি ‘লা-ইলাহা ইল্লাল্লাহ-হ’র অর্থ বুঝলো, এর প্রতি বিশ্বাস স্থাপন করলো এবং তা গ্রহণও করলো, কিন্তু সে আনুগত্য করলো না এবং সেই জ্ঞান অনুযায়ী আমল করলো না, এমতাবস্থায় সে আনুগত্যের যে শর্ত, তার বাস্তব রূপ দিলো না। মহান আল্লাহ বলেন,

﴿ وَأَيُّوَا إِلَى رَبِّكُمْ وَأَسْلِمُوا لَهُ ﴾ [الزمر: ٥٤] ، وقال تعالى: ﴿ فَلَا وَرَبِّكَ لَا يُؤْمِنُونَ حَتَّىٰ يُحَكِّمُوكَ فِيمَا

شَجَرَ بَيْنَهُمْ ثُمَّ لَا يَجِدُوا فِي أَنفُسِهِمْ حَرَجًا مِّمَّا قَضَيْتَ وَيُسَلِّمُوا تَسْلِيمًا ﴾ [النساء: ٦٥] .

“ফিরে এসো তোমাদের রবের দিকে এবং অনুগত হও তাঁর।” (সূরা যুমার ৫৪) তিনি আরো বলেন, “হে মুহাম্মাদ! তোমার প্রতিপালকের শপথ! তারা কিছতেই মু’মিন হতে পারে না, যতক্ষণ না তারা তাদের পারস্পরিক মতভেদের বিষয় ও ব্যাপারসমূহে তোমাকে বিচারপতিরূপে মেনে নেবে। অতঃপর তুমি যাই ফায়সালা করবে, তারা নিজেদের মনে তৎসম্পর্কে কোন কুঠাবোধ করবে না বরং তা সর্বান্তঃকরণে মেনে নেবে।” (সূরা নিসাঃ ৬৫)

৫। সত্যনিষ্ঠতাঃ সে নিজের ঈমান ও মৌখিক ধর্মবিশ্বাসে সত্যবাদী হবে। মহান আল্লাহ বলেন,

﴿ يَا أَيُّهَا الَّذِينَ آمَنُوا اتَّقُوا اللَّهَ وَكُونُوا مَعَ الصَّادِقِينَ ﴾ [التوبة: ١١٩]

“হে ঈমানদার লোকেরা! আল্লাহকে ভয় কর এবং সত্যাদর্শ লোকদের সংগী হও।” (সূরা

তাওবাঃ ১১৯) রাসূলুল্লাহ-ﷺ-বলেছেন,

وقال ﷺ: (( من شهد أن لا إله إلا الله صادقاً بها دخل الجنة )) [رواه أحمد ، وصححه الألباني]

“যে ব্যক্তি অন্তর থেকে সত্যনিষ্ঠতা সহকারে ‘লা-ইলাহা ইল্লাল্লাহ’ বললো, সে জান্নাতে প্রবেশ করবে।” (মুসলিম ২৪০৩) কেউ যদি এ কালেমাটির মৌখিক স্বীকৃতি দেয় আর অন্তরে তার দাবীকে প্রত্যাখ্যান ও অস্বীকার করে, তাহলে তার মৌখিক স্বীকৃতি তাকে মুক্তি দিতে পারবে না। বরং সে মুনাফিকদের অন্তর্ভুক্ত হবে। অনুরূপ রাসূল-ﷺ-এর আনীত বিষয়কে বা তার কোন কিছুকে মিথ্যা প্রতিপন্ন করাও সত্যনিষ্ঠতার পরিপন্থী বস্তু। কেননা, মহান আল্লাহ নিজের আনুগত্য করার নির্দেশ প্রদানের সঙ্গে রাসূলের আনুগত্য ও তাঁর সত্যায়ন করাকে সংযুক্ত করেছেন। যেমন, তিনি বলেন,

﴿ قُلْ أَطِيعُوا اللَّهَ وَأَطِيعُوا الرَّسُولَ ﴾ [النور: ٥٤] .

“বলো, আল্লাহর অনুগত হও এবং রাসূলের অনুসরণকারী হও।” (সূরা নূরঃ ৫৪)